

I. Disposicións xerais

MINISTERIO DA PRESIDENCIA

18259 *CORRECCIÓN de erros da Orde PRE/2277/2003, do 4 de agosto, pola que se modifica o anexo I do Real decreto 1406/1989, do 10 de novembro, polo que se impoñen limitacións á comercialización e ó uso de certas substancias e preparados perigosos (arsénico e colorante azul). («BOE» 236, do 2-10-2003.)*

Advertidos erros na publicación da Orde PRE/2277/2003, do 4 de agosto, pola que se modifica o anexo I do Real decreto 1406/1989, do 10 de novembro, polo que se impoñen limitacións á comercialización e ó uso de certas substancias e preparados perigosos. Arsénico e colorante azul (BOE, suplemento en lingua galega n.º 11, do día 1 de setembro), procédese á súa corrección:

Na páxina 1988, na «Lista de aminas aromáticas», no n.º 6 5-nitro-o-toluidina, figuran os números seguin-

tes Número CAS —«Número de índice 99-55-8, e número CE 202-765-8, e deberían figura-los seguintes números: Número CAS 99-55-8, Número de índice—, e número CE 202-765-8.

MINISTERIO DE SANIDADE E CONSUMO

18260 *CORRECCIÓN de erros da Orde SCO/249/2003, do 5 de febreiro, pola que se modifican os anexos do Real decreto 1599/1997, do 17 de outubro, sobre produtos cosméticos. («BOE» 236, do 2-10-2003.)*

Observados erros no texto da citada Orde SCO/249/2003, do 5 de febreiro, pola que se modifican os anexos do Real decreto 1599/1997, do 17 de outubro, sobre produtos cosméticos, publicada no suplemento en lingua galega do BOE do 1 de marzo de 2003, n.º 5, procédese a efectua-las oportunas rectificacións do seguinte teor literal:

Na segunda parte do anexo III, na columna b) dos seguintes números de orde	Onde di	Debe dicir
Na páxina 706, no n.º 17. 2,4-Diamino-5-methylphenetol e os seus sales	(número CAS 141614-04-2)	(número CAS 113715-25-6)
Na páxina 706, no n.º 19. 3-Amino-2,4dichlorophenol e os seus sales	(número CAS 61693-42-3)	(número CAS 61693-43-4)
Na páxina 707, no n.º 31. HC Red No. 13 e os seus sales	(número CAS 29705-39-3)	(número CAS 94158-13-1)
Na páxina 707, no n.º 36. 2,4-Diaminophenoxyethanol e os seus sales	(número CAS 70643-19-5)	(número CAS 6642-95-5)
Na páxina 708, no n.º 45. Acid Black 52 e os seus sales	(número CAS 16279-54-2)	(número CAS 3618-58-4)
Na páxina 709, no n.º 53. HC Blue No. 10 e os seus sales	(número CAS 173994-75-7)	(número CAS 102767-27-1)

MINISTERIO DE ECONOMÍA

18339 *ORDE ECO/2714/2003, do 25 de setembro, pola que se desenvolve o Real decreto 1432/2002, do 27 de decembro, no referente á cesión e/ou titulación do custo correspondente ó desaxuste de ingresos das actividades reguladas anterior a 2003 e do custo correspondente ás revisións derivadas dos custos extrapeninsulares. («BOE» 237, do 3-10-2003.)*

O artigo 94 da Lei 53/2002, do 30 de decembro, de medidas fiscais, administrativas e da orde social

empraza o Goberno a establecer unha metodoloxía para a aprobación ou modificación da tarifa eléctrica media ou de referencia durante o período 2003-2010, na que se deberán incluír como custo para o período comprendido entre o 1 de xaneiro de 2003 e o 31 de decembro de 2010, a contía correspondente á anualidade que resulte para recuperar linealmente o valor actual neto do déficit de ingresos na liquidación das actividades reguladas, xerado entre o 1 de xaneiro de 2000 e o 31 de decembro de 2002, e a contía correspondente á anualidade que resulte para recuperar linealmente as cantidades que deriven das revisións que se establecen na disposición adicional segunda do Real decreto 3490/2000, do 29 de decembro, polo que se establece